

61671/P (P) KALTSCHMIDT  
Q. D. B. V.  
DISSERTATIO MEDICA  
DE

PHRENITIDE,

EX

EPITOME PRAXEOS  
CLINICÆ

GEORGII WOLFFGANGI  
WEDELI,

HEREDITARII in Schwarza/  
MEDICINÆ DOCTORIS, COMITIS PALATINI CÆSAREI,  
SERENISSIMORVM SAXONIÆ DVCVM CONSILIARII  
ET ARCHIATRI,

THEORETICES PROFESSORIS PVBLICI ORDINARI,   
FACVLTATIS MEDICÆ h. t. DECANI

EODEM PRÆSIDE,

PVBLICÆ PHILIATORVM DISQVISIONI SVBIECTA

FRIDERICO FERDIN. <sup>a</sup> Kaltschmidt/

VRATISLAVIENSI SILESIO,

IN AVDITORIO MEDICO,

HORIS CONSVETIS,

A. D. Maii ANNO CIO MDCCX.

---

I E N Æ  
LITTERISKREBSIANIS.



V I R O

*Nobilissimo, Excellentissimo atque  
Experientissimo*

D O M I N O

FRIDERICO

KALTSCHMIDIO

MEDICINÆ DOCTORI

CELEBERRIMO

SACRÆ CÆSAREÆ MAIESTATIS

PERSONÆ ET AVLÆ MEDICO

COLLEGI NATVRÆ CVRIOSORVM COLLEGA

MERITISSIMO

ACADEMICAS HASCE PRIMITIAS FILIALI QVA

PAR EST DEVOTIONE SACRAT. OFFERT

ET DEDICAT

FILIVS

*ad nutum & obsequia promptus*





*Phrenitide.*

**P**eculiaris affectus, isque momentosus est PHRENITIS, seu locum affectum spectemus, seu actiones laesas, seu inflammationem, seu febrim, seu delirium, seu omnia potius. Quod enim dicitur communiter, idque vere, inflammationem esse morbum compositum, id nulli magis competit ac quadrat aptius, quam phrenitidi, ubi plurima concurrunt. Hinc ἐπερωτᾶν δεῖ, *interrogare oportet*:

*An delirium adsit.* Est hoc essentialē praeipuum, vel diuisum saltem, & quod maxime sensus incurrit. Phrenitis nulla est, nisi adsit delirium, saltem praesens, quo signatur, non minus, ac alia deliriorum genera. Hoc omnibus reliquis addit pondus, & demonstratiuum est, cum illis sumptum & comparatum hinc cum aliis.

*Quale sit delirium in genere phreniticum.* Conuenit cum aliis in genere: delirare enim proprie est, loqui, vel agere incongrua, citra causam aliquam manifestam, seu errorem externum. Vtrumque attendendum. Quale sit examinandum, quoad formam non solum, sed etiam quoad materiam; prior vero maioris est indaginis & notae.

*An mens laboret.* Propria haec est phrasis, vel periphrasis phrenitidis, & quasi praecipua. Vt ut enim idem quoque valeat de aliis deliriis & praedicetur, κατ' ἐξοχὴν tamen τὴν νόσον νοσεῖν, *mentem laborare* praedicatur de phreniticis, 2. aph. 6. Mens in phreniticis inprimis non constat, verbis Celsi, αἰμαρτάνειν etiam vocat Hippocrates, in historia phrenitica, l. 7. Epid. c. 29. t. 8.

*An delirium statim se exerat in morbi principio.* Ita sa-



ne non raro fit, & hinc arguit, cauto opus esse in diagnosi. Fit id puta, non sine aliis phænomenis, sed evidentius est delirium, si ita occipiat, reliqua nonnunquam silent, vel non ita referuntur æque.

Sic iuuenis 24. annorum, opinione citius, bene habere visus, adit sacerdotem, & varia incondita profert, ad medicum ablegatus deprehenditur phrenitide laborare incipiens, ordinantur debita remedia, decumbere vix persuasus, inde plenis velis morbus erumpit, delirium augetur, & febris, intra vndecim dies moriebatur.

An & quale sit delirium phreniticum. Phrenitis mediat quasi inter maniam & melancholiam, differt tamen ab utraque, in rei veritate. Interim aduertendum porro, an magis ad illam, vel ad hanc declinet; vtrumque enim contingit. Alii hilares, alii tristes magis, alii medio modo se habent. An *insigne*, an minus.

An *febris adsit*. Vt ad extra ad deliria, vt sic loquamur, magis spectat, ita ad intra ad febres magis. Hoc si non attendatur, facillimus & frequens admodum error committitur, vtplurimum funesto exitu. Id vero vnice definit febris, a phrenitide inseparabilis, non in mania, non in melancholia, qua tali, præsens vel deprehendenda, quicquid etiam de mania quidam velint.

An *febris sit inflammatoria, & comitata*; Dubium prima fronte videri posset, an phrenitis militet in numero affectuum capitis, an potius febrium, & quidem ob ipsam coniunctam febrim. Ast distinctione hac res facile dirimi potest, vel analogo exemplo similium.

Idem enim accidit in aliis, nominatim angina, pleuritide, peripneumonia. Nemo negauerit anginam esse morbum faucium, inflammationem, nemo peripneumoniam, esse inflammationem pulmonum, & sic porro. Enimvero quod  
febris



febris est in toto, sibi relicta, id inflammatio est in parte, adeoque optime sunt & dicuntur febres inflammatoriæ.

An *febris*, an *phrenitis* sit *primaria*, an *hæc* potius sit *symptomata*. Respectiue omnino febris primaria est, quæ præcedit, phrenitis symptomata, quæ sequitur, eidemque accidit. Non aliter ac idem ad oculum visitur & contingit in angina. Respectiue vero itidem phrenitis primaria hoc sensu est dicenda & iudicanda, quæ non sequitur febrim, sed minimum cum eadem comitata simul corripit. Primaria, inquam, a potiori, vnde fit ordinarie denominatio. Etiam si non solitaria, ob morbum compositum puta.

Idem quoque in inflammatione renum, hepatis, vteri &c. obseruandum est. Sin secus fiat, morbi sæpe manent & tractantur velut incogniti, minus saltem recte & sufficienter cogniti.

An *phrenitis symptomata a causa interna vel externa*. Symptomata omnis, vt febris, ita phrenitis est consecutiua; v. g. vt hæc pateant magis, an phrenitis sit a peripneumonia, elogio & experimento 7. *apb. 12.* quod malum est, ob *μετάστασις* ex loco ignobiliore, pulmonibus, ad nobiliorem factam, seu cerebrum, vel saltem adauctam & geminatam sic magis.

An *symptomata sit phrenitis a vulnere & concussione cerebri* seu capitis, quod toto die fit, nisi præcaueatur. Hinc vero clarissimum est, non omnem phrenitidem esse symptomatam, sed dari omnino etiam essentialem & sic primariam. Euidens item curatiue h. l. tradi magis phrenitidis tractationem, vt præseruatiue magis in febribus primariis aliis, vulneribus &c.

An *phrenitis sit exquisita* cum febre acuta, an *spuria*, seu *notha*, minus exquisita. Geminum huic problemati est alterum, an sit *phrenitis*, an *paraphrenitis*. Phrenitis non tantum prædicatur magis & *κατ' ἐξοχὴν* de exquisita quoad symptomata



ptomata, sed & ratione subiecti, essentiali magis causa & morbo latente in capite, paraphrenitis utroque nomine similiter, quæ symptomata habet minora; τὸ αἰσθῆσις enim Græca emphasi minuit, & quæ aliunde consensum infert cerebro, ex inflammatione diaphragmatis. Non ergo est promiscue phrenitis insania febricitantium, seu insania acuta & in febre, ut *Celsus* vocat, sed cum distinctione. Neque omne delirium febricitantium est phreniticum. An transitorium saltem sit delirium, pro αἰσθητικὸν potius habendum, quale quid etiam in paroxysmis intermittentium aliquando occurrit, & proprie ac reuera phrenitis non est.

An delirium sit continuum ἀσπαστὸς, an interpolatum. Habent sane & phrenetici sua interualla lucida, ubi & modeste & prudenter ac sapienter loquuntur, id vero non promiscue occurrit, vel locum habet; quo minus vero hoc visitur, eo peius se res habet.

Quo gradu mens laboret, an verbis solum inconditis, an sensibus error, an cogitatione, an phantasia, an iudicium, sensus cum memoria magis vacillet; an vtrisque, quod peius longe. An inquietus sit loquendo, garriendo, cum dementia garrula, an verba, an actiones deliræ, an vtraque. Ipsa vero deliria specialia mirum quantum variant, ut temperamenta, ita & deliria phreneticorum.

An oculi torui, an ferociant, an emineant, an vigilia vrgeant, quæ omnia malum grauius arguunt. An floccos legant, an lintamina colligant, ob μαεμαευσας vanas conceptas, an nudi videri velint, ut in foemina puerpera notauimus inter alia, an nulla cura decori, pudoris expertes; non omnes enim sunt vnusmodi hæc phænomena, indeque varians prognosis & euentus.

Qua ætate sit æger, cuiusque sexus. Assignantur ab *Hippocrate* ætati virili, 3. aphor. 30. ut pleuritides, peripneumoniæ, ita & phrenitides & causi, manifeste sic distinctæ ab ipso met. [Notabile vero est effatum eiusdem, 8. apb. 1. Quicumque  
ultra



ultra XL. annos prouecti phrenitici fiunt, & πᾶν ὕμίζονται, non ita valde sani fiunt. Idem vero valet non solum de foeminis, ipsisque inprimis puerperis, purpuratis v. g. sed & in ipsis grauidis visa fuit; grandiori longe cum discrimine, lethalis pronunciata a *Coo l. 1. de morb. c. 3. r. 9.* vt alias quoque ἐνδοιασός, dubia.

An vomitus adsit, qui & ipse aliquando visitur, ab ipso *Coo* etiam notatus, an horror, an capitis & colli grauitas. Elegans tale exemplum, cum his & aliis grauissimæ phrenitidis symptomatibus, videri potest apud eundem *l. 3. Epid. S. 3. agrot. IV.*

*Quenam praegressa*, dispositiua, occasionalia, causarum locum sustinentia. An dolor capitis, an menses, an hæmorrhoides suppressæ. Duo notabilia huius rei exempla notauimus & vidimus, vbi dolores capitis intensi & producti, desiere tandem in phrenitidem & suppurationem ipsam.

Virgo generosissima 18. ann. a mensium suppressione dolorem talem patiebatur satis vehementem & continuatum productumque, donec tandem cum delirio phrenitico suppurationem & siderationem, quam vocant, experiretur funestam.

Iuuenis Academicus hæmorrhoides expertus, hinc iis destitutus, sui negligentior corripitur dolore primum grauatuo, hinc punctorio & pulsatorio capitis per vnā alteramque hebdomadem. Tandem vero frons, facies, & palpebræ tumere, pericranium & vertex circumcirca mollitudinem turgidam præ se ferre, cum delirio continuo, erumpente hinc inde ichore non paucopurulento, velut per diapedesin, consequente morte.

An faciei rubor, & pulsatio temporum, communia fere suo loco cum peripneumonia, coniuncta, an hæc ipsa præcesserit, per iam dicta. Posita enim vna inflammatione, facile ponitur & altera.

An pestis ipsa illam producat. Vti enim carbunculi

non



non solum externi, sed & interni in eadem observantur orti, in ventriculo, circa renes, & sic porro; ita etiam ab inflammatione consimili cerebri phrenitis consurgere assolet & coniungi, quod longe pessimum est.

*An hæmorrhoides superueniant.* Vti enim earundem suppressio velificari potest etiam huic inflammationi, ita contra ea fluor earundem salutiferus esse solet, elogio 6. *aphor. 11.* Et legitur quidem in quibusdam exemplaribus nephriticorum nomen, loco phreniticorum, vt *l. de iudicat. quoque c. 10. t. 9.* id tamen vtrumque bonum est, & pro bono habendum, vt videatur vno loco hoc, altero alterum expressum. Et renum enim inflammationi & cerebri id congruit. Idem etiam de hæmorrhagiis aliis intelligi potest, per memorata.

*Qualis sit vrina.* An vrinæ tenues, aquosæ, limpida, non tinctæ, tincturæ biliosæ expertes, 4. *a. 71.* Id vero maximam notat inæqualitatem & veluti contradictionem in adiecto; notat cruditatem, adeoque acutiem & malignitatem maiorem, quod bilis raptum ad caput vocant, ob ἀναδρεπλῆν quasi. Satis est vredinem in hoc corporis tecto sæuire, & reliquum corpus male simul habere. An εἰς ἀχρῆα, *vrina decolores*, cum aliis, *l. 1. Predictor c. 1. t. 5.*

*An canis rabidi morsus præcesserit*, vel nuper, vel ante aliquod tempus. Ab illo enim demorssi, teste *Dioscoride l. 7. c. 2.* inter alia totius corporis, præsertim vero faciei, rubore & languore corripiuntur quoque, adeoque & inflammatione hac aliaque.

*An prægressa vigilia, ebrietas, motus fortior & enormis*, (vnde & inflammationem renum, nephritidem proprie dictam, notauimus ortam.) *An vero moestitia, zelotypia, moeror animi*, inprimis in plethoricis, & scorbuticis subiectis, scorbuto latente calido, & quidem potissimum sequiori sexu, qualia duo maxime exempla nouimus; an potius *iracundia, & animi furibunda exacerbatio.*

*Qua-*



*Qualis sit pulsus*; id vero pro febris & temperamentorum modulo variat. Si febris subdola, delirium, vti ab initio sæpe fieri assolet, mite inclinet magis ad melancholiam, mitior, mollis, frequens deprehenditur. Sin motus peregrini ad alterum extremum inclinantes, etiam celeres magis observantur, vel duri, & intermittentes, vel intercurrentes potius.

An *motus adsint tremuli*, vel inconditi & conuulsiui, palpitantes manuum, oculorum, pedum, partium aliarum, omine pessimo. Elegans phrasis est Hippocratica, manus inquietas *παραγυατεύειν*, sibi ipsis negotium facessere, vel se ipsas quoque lancinare.

An *incurii sint*, quoad assumenda, vel agenda, an sitiant, *ἀδιψοι* potius. Ob calorem enim sitire debebant magis, causa præsentē, sed quia mens laborat, illud non sentiunt, *βραχυπότοι* potius, pauci & rari potus, omnia *ὡς λόγον*.

An *urina non reddatur* suo tempore, ob obliuionem, & incuriam mentis laborantis, an *λαθρῶς* clam, latenter, & inuoluntarie, iniussa, non tam emissa, quam dimissa, sine sensu, immemoribus, quod pessimum. An *enaorema* consequatur, etiam nigricans, quod, si quidem coctionem notet & designet, bonum est quoque.

Quomodo *lingua habeat*, an *aspera, arida, sicca, fissa, hispida*, an *cum inflammatione faucium*, quæ & ipsæ inspiciendæ, vel oculorum quoque. An *lingua sit tremula*, quod ipsum etiam non solum signum est *ἔχ' ιδεομελῆς γνώμης*, non *solida*, sed *inconstantis mentis*, quæ non est apud se, sed etiam conuulsionis & debilitatis.

An *deiectiones alui quoque albæ*, quod pro desperato habetur non minus signo, ac *urina aquosa*.

An *mens redeat*, non tam per interualla quædam lucida, sed cum ceteris signis bonis, successiue, & cum quadam constantia, remittentibus v. g. vigiliis & aliis, quod in bonis præcipue numerandum.



An *somnus obrepat*, isque blandus & conueniens. Vbi enim somnus delirium, etiam phreniticum hoc, sedat; bonum est. An in lethargum abeat, cum obliuione, & ægre excitabilem, vnde facile velut mortis fratrem se gerit. Quo minor est obliuio, eo respectiue melius est.

An *silentium, aphonia*, ἐκτασις μελαγχολικὴ, cum quiete, & motu nullo. Tale quid recensuimus iam superius c. XI. de viro summo, addentes hic, quod ob inopinatum & terrificum nuncium, desubito, maximas anxietates patiebatur, cum madore, manu, cum semel produceretur, tremula, capite solo ad latus v. g. candelæ accensæ moto, ad mortem usque.

Quomodo vires habeant. Variat id pro acutiei modulo, utroque velut extremo. In aliis sic satis robustæ sunt. Rusticus quidam cum horruisset, caleretque, tristior visus delirare incepit, non constare sibi, clam se foras proripit die tertio, & per tres integros dies domo abfuit errabundus. Hinc casu ab alio in via inuentus, domum ductus delirare continuauit, absurda loquens, calensque eximie, ab adhibitis medicamentis bezoardicis & alterantibus sibi breui redditus euasit. In aliis marcescunt facile.

An *a priori*, an *a posteriori* magis morbus se prodatur. Sane facilis est fallacia circa phreniticos, quandoquidem sæpe habentur saltim pro simpliciter febricitantibus; non raro pro maniacis, cumque his confusi, qualia exempla notauimus. Quodocunque vero etiam in principio mite est delirium, mitis & subdolus calor, nusquam tuta fides est. Hinc *a priori*, ut ita loquar, magis præsumenda est semper phrenitis futura, sub suis signis, mania *a posteriori*. Turpe enim maxime & in hoc casu est medico dicere: Non putaram.

Cuius quidam ita incipiebat laborare phrenitide, febri & delirio miti viso. Vix per triduum in usum trahuntur medicamenta morbo agnito *a priori*, & debita illa. Delirium



magis æstimantes, quam febrim, adstantes suadent adeundum empiricum famosum circa delirantium curam. Exequitur parens iussui coniux consilium, adhibentur medicamenta, dimisso & inconsulto priori medico, die septimo æger moritur. Sero enim, quod dicitur, sapiunt Phryges.

*Qualis sit facies, in principio & progressu, an saturato rubore suffusæ genæ, an vultuosa & aspectu terribilis, an dissimilis sui, non retinens pristinum characterem. An oculi exerti, truces, feroces, quæ mala sunt omnia, ut plura alia vberissime ab Hippocrate proposita non laudemus amplius.*

*Quamdiu durauerit morbus. Enimvero ταχέως κείναι, citius indicatur & finitur, rarius paulo producitur, & spem vetat inchoare longam, multo minus securum esse medicum & adstantes, ne accidat & hoc loco turpe medico æque ac imperatori: non putaram.*

*An frigus extremorum, vnguium liuor, tremor labiorum, motusque alii conuulsiui, collapsa tempora, pulsus rarus, vel deficiens, vel alia, confirmantia mortem instantem.*

Præsupposito ergo, a circulatione sanguinis turbata, & localiter impedita, inflammationem *συσσροφικὴν* meningibus cerebro intextis obortam, phosphorum cerebralem intemperatum & efferatum reddere, spiritus turbare, & totam massam sanguineam ac œconomiam animale turbare.

Elegantissimus locus hæc confirmans est apud Hippocratem l. 1. de morb. c. 28. t. 4. cum bilis commota ad venas & ad sanguinem ingressa fuerit, sanguinem ex consueta compage ac motu dimouet & calefacit. Calefactus autem etiam reliquum corpus totum percalefacit, & desipit homo, & non sibi constat, præ febris copia, & sanguinis ad serositatem transmutatione, & motu non solito contingente. Vid. Græca emphatica longe magis.

Hinc 1. *Circulatio sanguinis ad sitionem & seditionem abitu-*



*riens in ordinem redigenda*, diffilandus æstus conceptus, eiusque diffusio. Motus inquam, localis in cerebro turbatus, iuuandus, promouendusque & in ordinem redigendus.

Diffilant longe optime sudorifera, eaque generosiora & bezoardica, eaque omnis generis, respectiue tum volatilia, tum media, tum fixa, feбри utpote debita, seu inflammationi febrili. Præstat hinc tinctura bez. Michaelis, N. O. essentificata volatilis, liquor C. C. succinatus, liquor C. C. tartareus, mistura simplex sibi relicta, & rectificata, mature statim in principio adhibenda, ut in herba, quod aiunt, malum extirpetur.

Diffipant bezoardica media, longe optima & tutissima, essentia bezoardica & tinctura essentificata, diascord. Fracast. spec. & confectio de hyacintho, elect. de ouo dictum, quæ reliquis simul indicationibus satisfaciunt.

Diffipant & disiiciunt bezoardica fixa, pulvis bezoardicus viperinus, bez. Sennert. pulv. Pannon. ruber, bez. miner. martiale, faba S. Ignatii, lap. bez. artif. de Goa, antimon. diaphor. lap. bez. orient. & occid. theriaca cœlestis, & varia ex his composita ac mixta, suo qualibet tempore propinanda.

Hæc itaque tanquam potiora cordi habenda & propinanda sunt, feбри & inflammationi, toti & parti, causæ & symptomati debita, κατ' ἐξοχήν vero motui locali præternaturaliter habenti. Hinc porro

Diffilant aer ambiens calidus, vel saltem temperatus, transpirationi velificans. Frigus enim contrarium feбри, quam adauget potius, in toto ambitu libertate ætheris promouenda.

Diffilat, alterat & circulum in ordinem vocat *Vena sectio*, ut utilissimum inflammationum aliarum, ita maxime phreniticæ remedium. Adhibito blando diaphoretico, & bezoardico quidem, a quo merito inchoanda est curatio & maturanda, succenturianda est venæ sectio, itidem in principio magis conueniens, constantibus viribus, coindicantibus aliis



liis præsentibus, plethora, euacuatione aliqua consueta cessante & omissa, nullo vero contraindicante grauiori præsentē.

Vena secanda est partim in brachio, nisi mensium vel hæmorrhoidum habenda ratione, vbi magis in pedibus eligenda; partim sub lingua, sectis raninis venis. Fieri debet sufficiens, sed non nimia.

Præseruatiue quoque commodè institui potest eadem in vulneribus capitis grauioribus, reuellendi & deriuandi fine; ita enim *συσεγγφῆ* & coitio illa sanguinis inflammatoria & hoc loco disiici & auerti potest, saltem ne ichore scat, nec in pus abeat sanguis & lymphæ.

Diffiant & circulum sanguinis eccentricum, phrenitidem daturum, insignissime restitunt, in vulneribus & concussionibus capitis, *sacculi & fotus* ex herbis cephalicis, betonica, fl. lil. convall. paralyf. anth. rosar. stoech. arab. rad. pæon. i. rid. Florent. & aliis cum vino coctis, & sedulo applicatis ac repetitis de die ac nocte, sine interpolatione. Hæc scilicet vna sola & longe optima est methodus medendi eo casu, citra trepanationem vllam, quæ factæ est extrauasionis, nullatenus vero dissipat. Diffiant scilicet hæc & vna roborant, ne ichore scat, quiescat, putrilaginem subeat stagnetque sanguis extra poros latus.

II. *Fermentum peregrinum localiter illatum vel conceptum*, non solum *difflandum & annihilandum*, sed etiam biliosum illud accensum, & accendens *attemperandum* est.

Respiciendus nempe secundo loco est & corrigendus quoque motus sanguinis intestinus, turbatiuus, ne stagnet, & stagnando putredinem subeat. Contemperant itaque optime v. g. nitrosa, incendiorum internorum extinctiua remedia. Talia sunt nitrum anodynum, seu antimoniatum, arcanum duplicatum, vel triplicatum potius, tinctum & roboratum tinctura papaueris rhoeados, specificatum cinnabari natia,



vel antimonii quoque, tum per se, tum ad partes duas v. g. ℥℥. vel gr. XV. addendo partem vnam specifici cephalici.

Attemperat optime pulvis bezoardicus, cum nitrato tali aliquo selectiori mixtus, v. g. ad ℥℥. pro dosi, vel amplius ana, datus: ita enim ardori lymphæ & sanguinis contrahitur, sulphur efferatum infringitur, incoctio lymphæ & inspissatio impeditur, & febris & productio inde delirio satisficit.

Alterant, diffillant & contemperant *camphorata*, aptissima inflammationum antidota, vel socianda cum nitrosis, bezoardicis, cinnabarinis in puluere, per dicta; vel dando oleo bezoardico, per se vel tantillo etiam ess. castorei addito, ad nervos tutandos magis.

Alterant insigniter hæc ipsa *nitrosa*, cum aquosis & aliis remixta, etiam externa, si non actu, tamen potentia, ut epithemata frigida ex aqua sedi mai. compos. verbenæ, fl. sambuc. tiliæ, rosarum, aceto rutaceo, vel rosaceo, aceto destillato, fronti applicata. Neque enim repulsio metuenda sic est, vna interius prospiciendo archeo.

Alterant imo & *gargarismata* ex infuso seu brodio fl. papau. rheados, cum nitro anodyno roborato, faucibus vna quoque consulendo, & ob viciniam lymphæ feruidiori in locis his glandosis.

Alterant, & lympham, vehiculum spirituum animalium, contemperant *aquosa*, decoctum hord. cum C.C. & scorzonera, fructibus berberum, succo citri roboratum, potiones item diluentes & roborantes, ex aquis bezoardicis & refrigerantibus, fl. sambuc. scorzon. ceras. n. rub. id. prophylact. bez. Ruland. pulueribus bezoardicis, extracto scorzonera, contrayeruæ; cum vel sine sir. acetos. citr. pap. rhead. &c.

Alterant apprime *acidula*, & *media*, tinctura fl. papau. rhead. bellid. viol. clystata, indenda in potum, spiritus vitrioli cephalicus cum mistur. simpl. rectific. gelatinæ C.C. recentes,



tes, acidulatæ, reſectiuæ. Hinc acetum ἀφλέγματον audit Dioſcoridi, quod ſit inflammationum remedium.

Alterant & euerrunt bilem etiam rarius aliquando *emetica*, in principio ſtatim ex rad. ipecac. vel ſale vitrioli propinato, ſi quidem fomes hæreat in primis viis, & ſic derogare queamus amuræ bilioſæ, magis hinc alterantibus proficuis futuris.

Alterant & imminuunt etiam apprime *clyſteres*, ex emollientibus, lenientibus, cephalicis parati, rad. alth. ſcorzon. præon. herb. 5. emoll. & alterantibus, beton. fl. chamom. verbaſc. ſem. 4. fr. mai. lin. fœni gr. ficub. pinguib. c. & ſine ſol. ſenn. rhabarb. mechoac. &c. Colat. addito nitro anod. &c.

Conferunt & quandoque in alio adſtricta lenia euacuantia, vt rhapont. 3℔. c. nitro anod. blande laxans vna alteraque ſede, ne ſuppoſitoria ſaccharina aliaque laudemus. Quod vero nonnulli clyſteribus hoc in caſu olea iungere verentur, vix tanti eſt, vt aliquid caloris metuendum inde ſit, quin oleum rutaceum addi impune queat, cum nitro laudato corrigente, temperatori etiam ipſo oleo.

III. *Spiritus eccentrici, turbati, inquieti roborandi, demulcendi & componendi, ac ideæ peregrinæ p. n. reformandæ ſunt.* Componunt reuellentia, euocando lympham bilioſam, & vt ad alia obiecta verſi, alias ideæ concipiant. Qualis enim lymphæ, tales ſpiritus, quales ſpiritus, tales ideæ, quales ideæ, tales conceptus, & conſequenter talis ratiocinatio, ſeu mentis operationes.

Talia ſunt cucurbitulæ, cum & ſine ſcarificatione, dorſo, ſcapulis, brachiis applicatæ, niſi quid impediât, vel contra indicet. Talia ſunt veſicatoria, nuchæ, pone aures, brachiis, imo & quandoque pulſibus, vt quibusdam placet, impoſita; vel dolore ipſo, vt hoc agant, inuitantia turbatum animum, & malignitatem euocantia.

Roborant & demulcent cephalica temperata, pro re nata etiam excitatiua. Prioris generis eſſe poſſunt pulvis epilepticus Marchionis, pulvis bez. cum cinnabarinis, ſulphur antimonii auratum purum, ex cinnabari paratum, panacea ſolaris, antihecticum Poter. dens hippopot.



popot. vngul. alc. magist. C. C. & similia. Posterioris, inprimis in ecstático magis statu, silentio, aphonia, lethargo imminente, spiritus salis ammoniaci externe odoratus, & interne, tinctura martis coerulea, liquor cephal. cum M. S. rectificata, &c.

Roborant vice versa, & plus iusto efferatos blande moderantur & refrenant, anodyna, dosi refracta minori, cum bezoardicis data, si vires consentiant, extrema non insistent, nec frigeant, madeant, vel tremant artus, sed efferati magis id indicent, vigiliæ vrgeant, & cetera sint paria.

Demulcent hoc pacto eximie *emulsiones* e sem. pæon. 4. frig. mai. papau. alb. aq. ceras. n. fl. sambuc. til. hypnot. Dorner. & aliis iam tactis formatae, addito pulu. epil. March. dent. hippop. ther. coelest. sir. pap. simpl. & sic porro.

Demulcent item *Pilula* ex ther. coel. cum lap. bez. or. ana, inauratae, iuncta panac. solari, bez. lunari, solari. Enimvero tantum abest, ut opiata minori dosi cum neruinis & bezoardicis mixta contrarium & noxium effectum post se relinquant, ut potius insigniter profint. Sic dari potest mist. simpl. alba cum spiritu vitrioli cephal. & ess. anodyna.

Demulcent enim hæc & præstant insignem opem, non tam, ut olim in usu erat, grandiori, & completa dosi, ad ligandos spiritus, quam refracta. Utut enim aliquando ad coercendos æque ac corrigendos spiritus etiam paulo maior præbio dari possint, id tamen rarius, & non sine grano salis, seu prudentia, faciendum est.

Sic a *Paracelso* id refertur factum in Principe quodam phrenitico, unde plenissime fuerit curatus, quod & *Finckius* scribit in *enchir. Dogmat. Hermet.* & in illius observationibus seorsim, non cum operibus integris excusis, notatum legitur.

Id vero non temere & promiscue imitandum est, & magis forma liquida, & cum bezoardicis, ut tinct. bez. essentific. Ita enim tuto magis procedere licet, ne dicamus, posse confundi vel potuisse symptomata & causas. Sin prudenter & ex lege methodi medendi

idem fiat, alia res est.

SOLI DEO GLORIA.